

VHAHEVHERU, NDIMA YA VHUVHILI ³

Ya vhu⁷, ya vhu⁸, ya vhu⁹, ndima ya vhu¹⁰, u bva henefho, oo, nne-nne! Ivhani na penisela yanu na bammbiri, na zwiñwe zweþhe, ni luge, ngauri ndi a tenda uri Murena u khou ya u ri neya tshifhinga tsha khwiñe. Zwino ri khou . . .

²¹⁸ Paulo u khou hulisa na u vheya, vhuimoni, Murena Yesu. Zwino, arali ra fhedza hezwi madekwana a namusi, matsheloni a Swondaha . . . Hunu zwinzhi zwa hezwi zwi khou ya u dzhena kha Mulaedza wa matsheloni a Swondaha, ngauri zwi “fhandekanya savhatha.” Iyo ndi mbudziso khulu vhukati ha vhatu vha Savhatha namusi. Huno ndi ralo u ni ramba noþhe uri ni ðe nga matsheloni a Swondaha. Ngauri, zwine zwa vha zwone, Mugivhela kana Swondaha, u itela u losha? Bivhili i ri mini ngazwo? Huno nga izwo-ha, kana yone . . . Ino Bugu i khou fhandekanya mulayo na tshilidzi, nahone I khou vheya tshiñwe na tshiñwe vhuimoni hatsho. Vhahevheru vho aluswa nga mulayo, huno Paulo o vha a tshi khou vha vhudza zwe tshilidzi tsha ita, na mulayo.

²¹⁹ Zwino, kha ri wane marangaphanda maþuku zwino. Ri khou ya u thoma murahu.

²²⁰ Zwavhuði-vhuði, ndi na mangilasi a u vhala. Khañwe ndi nga ralo . . . Arali zwa itea nda ralo—ralo u awela madekwana a namusi, ndi nao. Ni a zwi divha uri ndi . . . Ndi khou tou tahelelwa nga miñwaha mivhili uri ndi swikise miñwaha ya fuþhanu, nahone thi tsha vhona u fana na kale, tsini hanga. Musi maþo anga . . . ndo thoma u sa tsha vhona maipfi o swifhala, nda dzhia u nga ndi khou tou pofula. Nda ya u þoliwa. Dokotela a ri, “Hai. Wo tou fhirisa fuina, murwa.” Žwo luga, a ri, arali nda tshila nda aluwa lwo edanelaho, a ðo vhuyelela hafhu, u wana uho u vhonela tsini hafhu. A ri, “Zwino, u ya kona u vhala Bivhili yau arali wo i sendedza kule na iwe?”

²²¹ Nda ri, “Ee.”

²²² A ri, “Ho no fhela tshifhinganyana, tshanda tshau a tshi nga lapfesi.”

²²³ Huno-ha ndi—ndi fulufhela zwino, kha heyi ngudo, uri ndi . . . Iyi Bivhili þukhu ya Collins yo gandiwa lwo edanaho. Ndi a kona u ralo zwavhuði. Fhedzi musi ri tshi dzhena kha zwiñwane, fhethu ho dzivhafhalaho ri tea u dzhia Thestamente Ntswa na ya Kale, huno ra dzi þumanya. Ndi na Scofield þukhu. Nahone ndo ðowela Bivhili ya Scofield, tswayo dzayo. A thi vhali notsi ðza Scofield zwino, ngauri a thi tendelani na Scofield

kha vhunzhi ha dzawe—thalutshedzo dzawe. Fhedzi ndi—ndi takalela nga ndila ye ya dzudzanywa ngayo, ngauri ndi... Ndi kale ndi nayo, nahone ndo i vhala, nga maanda, u swika ndi tshi divha ndila ya u wana thero yanga.

²²⁴ Hezwi ndi zwiswa zweithe kha nne, zwa u dededza, nahone a thi mudededzi. Fhedzi, na tshimbila na nne lwa tshikhalyanya, ndi do ni vhudza Ngoho u ya nga hune nda I divha, naho zwe ralo.

²²⁵ Zwino, heyi Bugu ndi Paulo, ni a elelwa, o vha a... Ro mu wana hani? O vha a mudededzi muhulwane, na u rangani hazwo, kana mutshudeni muhulwane. Huno o pfumbudzwa nga Thestamente ya Kale. Muñwe a nga mmbudza uri ri wana mudededzi wawe a nnyi? [Tshivhidzo tshi ri, "Gamaliele."—Mudz.] Gamaliele, muñwe wa vhadededzi vha divheyaho vha ilo duvha. Huno-ha Paulo, ri wanulusa u ralo, liñwe duvha...

²²⁶ Phanda ha musi a tshi vhidzwa u pfi *Paulo*, muñwe a nga mmbudza uri dzina lawe lo vha li nnyi? [Tshivhidzo tshi ri, "Saulo."—Mudz.] Saulo. Huno o vha a na ndango khulu ngei Yerusalema, ndango ya vhurereli. Huno o takuwa sa—sa mugudiswa wa vhukuma, muthu wa vhurereli. O vha a tshi kona u amba nyambo nña kana thanu dzo fhambanaho, nahone o vha a muthu wa vhuṭali. Zwe luga, pfunzo yawe na vhuṭali zwe mu thusa? Hai. O ri o hangwa zweithe zwine a divha, uri a gude Kristo.

²²⁷ Zwe ralo ri wanulusa, zwenezwo-ha, a zwi dzhii muthu wa vhuṭali kana muthu o funzeaho. Zwi dzhia ene—ene muthu ane a funa u diṭukufhadza phanda ha Mudzimu, hu si na ndavha uri mini kana mini.

²²⁸ Naa no vha ni tshi zwi divha uri Dwight Moody o vha—o vha a so ngo funzea u swika gai, nga vhungoho, mañwalwa awe o vha a tshi tungufhadza lu sa ambei. Vho ralo u tou tea u dzudzanya milaedza yawe, tshifhinga tshothe. O—o vha a muñwali a tungufhadzaho, a songo funzea nga maanda.

²²⁹ Naa no vha ni tshi zwi divha uri Petro na Yohane, vha Bivhilini, vho vha vha so ngo funzea u swika hune vha kundelwa na u ñwala dzina lavho, nahone vho vha sa li divhi naho lo ñivalwa phanda havho? Petro Muapostola, we a vha a na khoño dza Muvhuso, o vha a sa divhi dzina lawe lo saiñwa phanda hawe. Elekanyani ngazwo. Bivhili yo ri, yo ri, "O vha a munyadziwa nahone a so ngo funzea." Ngauralo, izwo zwi nnuya tshikhala. Amen. Ee, muñe wanga. Izwo zwi tsela fhasi, u wana uri Mudzimu a nga ita izwo kha muthu.

²³⁰ Zwino, huno ri wanulusa uri, musi Paulo a tshi tou vha na tshenzhemo tshihulu... Ndi khou ḥoda u ni vhudzisa. Ndi tshenzhemo u da kha Kristo? Muñwe na muñwe u na tshenzhemo naa? [Tshivhidzo tshi ri, "Ee."—Mudz.] Ee, muñe wanga. Ee,

mune wanga. Ndi Mabebo. Ndi tshenzhemo. Huno ro vha ri kha Gudedzi la Łutere, a si kale . . .

²³¹ Ndo vha na tshikhala ano masiari, ndo lenga, ndo vha ndo tea u swika heneffo nga iri ya vhufumimbili n̄tha ha tshithoma, u itela tshiswiṭulo na—na Tom Haire. Ndi vhangana vhane who no pfa nga hae, a ḏivheyaho, Muirish, muhaga wa thabelo? Huno o vha a na hoyu Mukomana Epp, kha mbekanyamushumo yawe, nahone o no bvelela fhethu hunzhi hafha Amerika. Huno ndo la tshiswiṭulo nae ḥamusi. Huno ro vha ri khou . . . Ndo vha ndo lenga nga awara tharu. Tsho vha tshi tshi vho yela kha hafu u bva kha iri ya vhuraru, miniti ya fumifhanu u ya kha iri ya vhuna, musi ri tshi la. Fhedzi zwo vha zwo luga. Huno ro vha ri tshi khou amba nga hezwi zwithu, uri Yesu Kristo ndi ḡohohani ya hezwi zwithu zwoṭhe.

²³² Zwino, musi Paulo a tshi wana hezwi, o vha a na hetshi tshenzhemo. Huno phanda ha musi a tshi ṭanganedza hetshi tshenzhemo, zwi tea u vhuya murahu kha Bivhili. Huno ri wanulusa uri o—uri o ḥuwa nahone a ya kha luniwe lushaka, huno a dzula heneffo lwa miřwaha miraru, a tshi ṭola Luñwalo, a tshi ṭoda u vhona arali tshenzhemo tshawe tshi tshone.

²³³ Zwino, ri limuwa uri o vha a tshi khou tea u livhana na zwithu zwihiulu. O ralo u tea u vhuya murahu a vhudza tshivhidzo tshawe, vhathu vhoṭhe, uri zwithu zwithihi zwe a tovhola ndi zwone.

²³⁴ No vhuya na tea u ita zwithu zwo raloho? Zwo tou ralo, vhunzhi ha vhoiwi noṭhe no no ralo, no no tea u humela murahu na ri, “Havho vhathu vha vhidzwaho ‘vhavhumbuluwi vhakhethwa,’ ndo wana uri, ndi vhone vha vhukuma.” Ni a vhone? Ndi zwone. Ri tou tea u rembuluwa. Huno zwithu zwithihi zwe ra vhuya ra zwi vhenga, zwino ri a zwi funa. Ndi tshandukiso, zwithu zwi so ngo ḥoweleyaho, zwo fhambanaho.

²³⁵ Zwino, ndo amba izwo, zwa “muvhumbuluwi mukhethwa.” A hu na zwithu zwo raloho. A hu na zwithu zwo raloho. Fhedzi, vha vhidza vhathu nga u ralo, vhathu vhakhethwa. Fhedzi a hu na vhavhumbuluwi vhakhethwa. A hu na zwithu zwo raloho. A hu na rekhodo ya tshivhidzo na tshithihi tsho raloho, u ya nga hune nda kona u vhona, kha dza madana a ṭahe na furathi-mini, dzidinomineisheni dzo fhambanaho. A hu na dinomineisheni yo raloho ine ya vha muvhumbuluwi mukhethwa. Li tou vha lone—lone dzina ḥe diabolo a li ḥambatedza kha Tshivhidzo.

²³⁶ Fhedzi vho vha vhidza nga u ralo, nga iļo ḏuvha . . . Ndi vhangana vhane vha ḏivha uri nga iļo ḏuvha la Paulo vho vha vhidza mini? Vhapengo. Ni a ḏivha uri *mpengo* ndi mini? “U peng.” Ndi vhathu vho no penga. Ngauralo, hu si kale ndo vhidzwa “muvhumbuluwi mukhethwa” sa “*mpengo*.” Ni nga si ralo? Ngauralo arali vho—arali vho vhidzwa izwo, huno vha pembela!

Huno Yesu o ri ri tea u ita mini ngazwo? O ri, “Pembelani, nahone ni takale lwa u fhirisa; ngauri malamba anu ndi mahulu ngei Tađulu, ngauri vho tovhola vhaporofita phanda hanu.” Who ralo.

²³⁷ O ri, “Ni takale lwa u fhirisa.” Tshini na tshini tshi itaho lwa u *fhirisa* tsho “takulelwa kule,” dakalo la vhukuma. Huno vhafunziwa, musi vha tshi wanala vho fanelwa nga u hwala u nyadzwa ha Dzina la Yesu, vha pembela nga dakalo fulu uri vha ya kona u nyadzelwa Dzina Lawe.

²³⁸ Huno namusi, vhathu vhanzhi namusi, arali zwa itea vha vhidzwa muvhumbuluwi mukhethwa, vha nga fhumula, “Nne-nne! Khańwe ndo khakha, na u rangani hazwo.”

Fhedzi vho zwi takalela, “Oo, nne-nne, u hwala Dzina!”

²³⁹ Huno zwino, kha nwahadana vhuvhili, vho vha vhidza “*tshifhambano-mučanani*.” Izwo two itea zwiла Vhakriste vha tshi hwala tshifhambano mučanani yavho, vha tshi sumbedza uri vho vhambiwa na Kristo. Vho vha vhidza *tshifhambano-mučanani*. Zwino ndi a zwi divha uri Vhakatolika vha divhidza nga u ralo, fhedzi itsyo tsho vha tshi si tshivhidzo tsha Katolika. Tsho vha tshi tshivhidzo tsha Phuroositente phanda ha musi tshi tshi vhidzwa tshivhidzo tsha Phuroositente. Tsho vha tshi sa lwi na tshińwe tshithu fhedzi tshivhi. Mbuno ya uri tshi vhidziwe tshivhidzo tshi Phuroositente namusi ndi ngauri tshi hanedza dzone—dzone dogima dza Katolika. Fhedzi ndi... Ndi, naho, tsho vha tshi si na mbofho nga itsyo tshifhinga, musi vha tshi vhidzwa *tshifhambano-mučanani*.

²⁴⁰ Tshimbilani ni ye u wana divhazwakale ya Josephus na vhańwe vhańwali, na Hislop ya *Babele Mbili*, na zwińwe, huno ni do wana uri izwo ndi zwone, uri vho vha vha si tshivhidzo. Tshivhidzo tsha u thoma u vhumba dzangano, tshe tsha vhuya tsha vha hone, tsho vha tshivhidzo tsha Katolika, u yela kha mińwaha ya mađana mararu, u mona na—na muapostola wa u fhedza. Ho no fhela mińwaha ya mađana mararu, tshivhidzo tsha Katolika tsha vhumba dzangano. Huno mutovholo wa thoma, huno vha kombetshedzela vhathu kha tshivhidzo tsha Katolika, huno vha ita uri tshivhidzo na muvhuso, zwi ṭangane.

²⁴¹ Izwo two itea nag murahu, zwe zwa vha zwi tshi vhidzwa, tshandukiso ya Constantine, u bva kha Vhukatolika ha u sa tenda. Fhedzi, arali muńwe muthu o no vhuya a vhala divhazwakale yawe, o vha a so ngo shandukiswa, zwithu zwe a ita. Oo, nne-nne! Tshithu tsha vhurereli tshi tshothe tshe a vhuya a ita ho vha u vheya tshifhambano kha tshivhidzo tsha Saint Sophia. Ndi zwenezwo fhedzi zwe a vhuya a ita, a diita wa vhurereli. O vha a—a muvhvi. Fhedzi vha zwi vhidza yawe—tshandukiso yawe. U tou vhambedzeya na vhańwe vha vhidzwaho vhashanduluswa namusi.

²⁴² Zwino, fhedzi, ri wanulusa, musi Paulo a tshi shandukiswa nahone a wana hetshi tshenzhemo tsha vhukuma, o rembuluswa zwa vhukuma.

Huno, ni a divha, u *shandukiswa* zwi amba “u rembuluswa.” Ni khou ṭuwa nga *heyi* ndila, na rembuluwa na humela murahu nga *heyi* ndila. Ee, muṇe wanga. Ndi u rembuluwa, tshifhaṭuwo.

²⁴³ Huno Paulo, musi a tshi tou shandukiswa, musi a sa athu ralo u ita tshenzhemo tshawe . . . Zwino, o vha a na tshenzhemo tshi mangadzaho.

Zwino, ndi a tenda, musi ni tshi ṭanganedza Kristo, sa Mutshidzi waṇu, ndi tshenzhemo. Ndi a tenda, dakalo la u divha uri tshivhi tshanu tsho hangwelwa, li takadza mbilu yaṇu, hoṭhe na hoṭhe.

²⁴⁴ Fhedzi musi Muya Mukhethwa wa vhudi u tshi tsela fhasi, itsho ndi tshenzhemo, Mabebo maswa, ane a ni nga vhuyi na a hangwa. Ni vha Nwana wa Mudzimu. Huno khezwi zwi zwi itaho.

“Ni zwi divha hani, Mukomana Branham?”

²⁴⁵ Zwino, idzi ndi ngudo dza u funza. Vhathu vhanzhi, Vhamethodisi, vha lingedza u ri, “Nge vha huwelela vha Nawo.” Zwo luga, izwo zwo luga. Arali ni Nawo, na huwelela, zwo luga. Ngauri no huwelela, a si tshiga tsha uri ni Nawo, ngauri vhanzhi who huwelela nahone vha si Nawo.

²⁴⁶ Vhapentekostała vha ri, “Who amba nga ndimi. Vha Nawo.” Izwo zwo luga. Arali no amba nga ndimi, nahone ni Nawo, zwo luga. Fhedzi ni nga amba nga ndimi na vha ni si Nawo. Ngauralo?

²⁴⁷ Ngauralo, ni a vhona, murahu ha zwoṭhe, ndi tshenzhemo tsha u fhira lufuni u ya kha Vhutshilo; musi zwithu zwoṭhe zwa kale zwi tshi fa, huno zwithu zwoṭhe zwa vha zwiswa. Kristo u vha wa vhukuma. Zwithu zwa kale zwi a bva, midzi ya kale ya mihibulo. Ni a divha uri mudzi ni u gwisa hani uri u bve? Ro vha ri tshi gwa mulindi nahone ra tsa nawo, huno ra gwa u swika hu si tshena tshithu tsho salaho khawo. Huno vha ri, “Arali hu na mudzi wa tsinyuwo u takuwaho, u bvisele ni nn̄da.” Ndi zwone. Huno izwo ndi zwone zwine Muya Mukhethwa wa ita, ṭomolani midzi yoṭhe. I gweni ni i bvise. I kokodzeleni nn̄da; ni i fhise. I bvisele kule. Ni do wana zwiliṇwa zwavhuḍi, arali ra ita izwo.

²⁴⁸ Zwino, Paulo o zwi divha uri tshiṇwe tshithu tsho itea, ngauralo a humela Arabia, huno a guda vhaporofita vhoṭhe vha Thestamente ya Kale lwa miñwaha miraru, uri vho porofita hani. Huno a wanulusa uri Zwo vha zwi Ngoho yo fhelelaho.

²⁴⁹ Zwino, vhambedzani izwo na ḥamusni, ni a vhona, kha hetshi tshenzhemo tshine ro vha natsho ḥafha kha tshino tshivhidzo tshiṭuku: tsha u vhonala ha Naledzi Masase, itsho Tshedza tshihulu tshe tsha bvelela, tshine tsha amba na u sumbedza

zwithu zwine zwa khou da u itea. Ni a divha, izwo ndi zwavhuđi. Fhedzi murathu wanga wa mushumeli o mmbudza, “Ndi zwa diabolo.” Huno ndi—ndi si zwi pfectese.

²⁵⁰ Ngauralo, ndi si ambe tshithu ngazwo u swika vhuňwe vhusiku, ho vha na tshenzhemo tsho iteaho n̄tha ngei Green's Mill, Indiana, musi Muruňwa wa Murena a tshi bvelela nahone a ima heneffo, nahone ndo zwi sumbedza nga Luňwalo. Zwenezwo zwa bveledza mulilo. Zwenezwo zwa thoma u itea.

²⁵¹ A zwi athu u fhirisa Swondaha yo fhelaho, ro vhona luswayo lu sa kundelwi lwa Yesu Kristo, Ane a kona u dzhia muthu a sa athu u tshimbila, huno a sa athu... Tsinga dzawe dza u ditika dzo fhela, musi Mayos na madokotela a khwiňe a tshi ri, “Zwo fhela, lwa tshothe.” Huno o dzula o pofula; a takuwa nahone a tshimbila a tshi bva tshifhačtoni, a tshi kokodza wilitshee yawe a tshi tsa na zwiętepisi, a tshi kona u tshimbila na u vhona u fana na muthu muňwe na muňwe. Izwo zwi sumbedza uri ndi maanda a Murena Yesu o vuwaho. Khezwo heneffo. Ha shanduki mulovha, namusi, na lini na lini.

²⁵² A ri tshigwada tsho takalaho madekwana a namusi, u divha uri Mudzimu o khwačisedza itshi tshenzhemo tshihulu tshine ra vha natsho, u vhambedzwa na Bivhili Yawe na pfulufhedziso? Ngauralo ri tea u takala nga maanda. Huno ri limuwa-ha, uri kha ndima ya 2, ri wanulusa, “A ri tei u tendela hezwi zwithu... A ri tei u sedzela fhasi hezwi zwithu.” Ri tea u farelela kha hezwi zwithu.

*Huno-ha ri khou ya u ponya hani, arali ra dzhieła fhasi
oho u tshidzwa hu ngafho;...*

²⁵³ Ri khou ya u ita mini, kha tshedza tsha Ipfı la Mudzimu, musi ri tshi ima Khoro ya Khatħulo? Ni nga si ri, “Ndo vha ndi sa zwi divhi.” Oo, ee, no vha ni tshi ralo. “Zwo luga, zwino, Mukomana Branham a nga vha o khakha.” Iyo ndi ngoho. Fhedzi Mudzimu ho ngo khakha. Ipfı Lawe a lo ngo khakha. Huno ndi khou tou elekanya, zwithu zwithihi, Bivhili, ye ya vhuya ya tshila kha vhaapostola, i kha q̄i tshila hafhu. Oo, kha hu rendwe Dzina la Murena!

²⁵⁴ Musi ndi tshi elekanya uri ndi na miňwaha ya fuina-malo, ndi tsini na ya fuňhanu, huno vhuswa hanga ho fhela, na zwiňwe zwinzhi; u divha uri u bva ndi tshe mutukana mučuku ndo vha na heyi Pfulufhedziso ya vhudi, nahone nda I khwačisedza kha vharathu vhanga na dzikhaldzi; huno ndi tshi vhona vha zwigidi zwa avho vha sa athu u bva swiswini, ndi tshi divha uri ri khou ya kha Haya ha U Ya Nga Hu Sa Pheli, ho fhačutshedzeyaho. “Huno arali ino thumba ya lifhasi ya khwashiwa,” phanda ha musi ndi tshi fhedza u rera, “hu na iňwe yo ri lindelaho ngei seli.” Haleluya! U divha uri hu na vhathu vhanzhi who dzulaho hafha, vhane, arali vha t̄utshela vhuno vhutshilo zwino; phanda ha musi ri tshi isa muvhili wavho kha

vhavhulungi, vha do vha vho no vha kha uyo muvhili wa vhugala ngei seli, vha tshi pembela na vhakhethwa vha Mudzimu, vho no vha Vhuhoneni ha Mudzimu, hune vha do ralo u tshila tshothe. Na vho khunyelelaho, u khwathisedzwa ho fhelelaho ha uri zwo ralo! Amen.

²⁵⁵ Oo, izwo zwi ita uri Muphuresibatherieni a huwelele! Naa Swondaha, a yo ngo ralo? [Tshivhidzo tshi ri, “Amen.”—Mudz.] Havho vhathe vho vha vha Vaphuresibatherieni. Zwo tou ralo, nga khumbulelo. Oo, ngazwo vhathe vha tshi dzhena kha zwipfi! Ngani, arali ni tshi dzhena kha zwipfi nga u lwela bola kana nga u i posa kha basikete, ni do vha hani wa zwipfi musi ni tshi divha uri no fhira u bva kha lufu u ya kha Vhutshilo, uri ni Tshivhumbwa tshiswa kha Kristo! Ni zwi divha nga ndila ine muya wañu wa ni rangaphanda u bva kha tsinyuwo, na u kwata, na vhuswina, na zwiñwe zwithu zwothe zwa shango. Huno mbilu yañu i dzula yo livha Kristo. Iyo ndi thuthuwedzo yañu. Ndi zwenezwo fhedzi zwine na elekanya muhumbuloni wañu, mbiluni yañu, duvha loþhe na vhusiku. Musi ni tshi ya mmbetenri nga madekwana, huno na gogodela zwanda zwanu, sa hezwi, na sokou edela heneffo na Mu renda u swika ni tshi edela. Na vuwa, nga matsheloni, na isa phanda na u Mu renda. Amen. Oo, nñe-nñe!

²⁵⁶ Ndo lingedza u Mu renda. Nga matsheloni, ro vha ri tshi vuwa nga iri ya vhuna n̄ha ha tshithoma, Mukomana Wood na nñe, ra bva nga matsheloni, u ya u zwima zwisindi. Ndi Mu renda fhasi ha muri, ndi a tenda, ndo swika kha u ralo. A thi koni u vhona muri, ndi si Mu rende. Elekanyani, O alusa uyo muri. Ni vhona nzie thukhu i tshi fhufha; U ya divha iyo nzie. “Oo,” ni ri, “maloto, Mukomana Bill.” Oo, hai, a zwo ngo ralo. U ya divha uri tshisindi tshiñwe na tshiñwe tshi gai. U ya divha uri tshisusu tshiñwe na tshiñwe tshi gai.

²⁵⁷ Ngani, tshiñwe tshifhinga, O t̄oda tshelede, huno A ri, “Petro, hu na khovhe, a si kale, yo mila ligwende, lo edanaho, zwine ra toda. Tuwa u pose huka. Ndi do i rumela heneffo. U bvise ilo ligwende mulomoni wayo, ngauri a i koni u li shumisa, yone iné. U tshimbile u mu badele tshafumi tshashu na zwine ra netshedza.” Amen.

²⁵⁸ Huno vhege thukhu dzo fhiraho, ndo vhona khovhe thukhu i tshi vhulaiwa, yo edela madini. Noþhe no pfa nga itsho tshiþori. Khoyo Mukomana Wood, na murathu wawe na avho afha vha nga zwi tanziela. Iyo khovhe thukhu yo edela yo fa lwa hafu ya awara, madini, mala ayo o bva nga mulomoni. Huno Muya Mukhethwa muhulu wa bvelela, murahu ha musi O ri, duvha la murahu ha izwo, “U khou ya u vhona mvuwo ya phukha thukhu.” Huno matsheloni o no tevhela, murahu ha musi duvha li tshi tavha, ra vhona iyo khovhe thukhu, i so ngo lapfa nga u ralo. Musi Muya wa Murena u tshi tsela fhasi, huno wa ri, “Khovhe thukhu, Yesu Kristo o u fhodza.” Huno iyo khovhe yo faho, yo

vha yo papamala n̄tha ha madi lwa hafu ya awara, ya vhuya vhutshiloni nahone ya tala i tshī ūtuwa u ya nga hune ya kona. Oo, kha hu rendwe Dzina la Murena. Ndi wa vhudi hani!

²⁵⁹ Ngazwo Paulo a tshī kona u ri, u ri, “O vha a kha tshivhumbeo tsha Melkizedeke.” O vha a Melkizedeke. “Melkizedeke o vha a si na u ranga ha maduvha. O vha a si na u guma ha miñwaha. O vha a si na u ranga ha vhutshilo kana u guma ha vhutshilo. Ha na khotsi kana mme.” Ngauralo, A nga si vhe muñwe muthu. Zwenezwo zwe A vha a zwone, U kha di tshila madekwana a ñamusi. Ngauralo, ndi lwone lushaka lu lwothe lwa Vhutshilo Vhu Sa Pheli, nahone ulwo ndi lwa Mudzimu.

²⁶⁰ Vhusiku ho fhiraho musi ri kha nyambedzano, murathu o vha a sa koni u pfesesa vhuraru ha Mudzimu, na nga ndila ye ra vha ri khou zwi amba ngayo. Uri Yesu o ima hani afho, Muthu, wa miñwaha i yelaho kha ya furaru. Huno A ri . . .

Vha ri, “Oo, vhokhotsi ashu vho la mana sogani.”

²⁶¹ A ri, “Huno vho ralo, muniwe na muniwe wavho, u fa.” Fhedzi A ri, “Ndi nn̄ne Vhurotho ha Vhutshilo vhu bvaho kha Mudzimu ngei Tađulu, vhune muthu a vhu la huno ha nga fi.”

²⁶² “Oo,” vha ri, “vhokhotsi ashu vho ñwa u bva kha Tombo ngei sogani.”

²⁶³ A ri, “Ndi nn̄ne Ilo Tombo.” Muthu wa miñwaha ya furaru. A ri, “Abrahamu o takalela u vhona ñuvha Langa.”

²⁶⁴ “Ngani,” a ri, “zwino U ūoda u mmbudza uri U muhulwane kha Abrahamu, huno U sa athu u swikisa miñwaha ya fūthanu, huno u ūoda u ri Wo vhona Abrahamu o faho miñwaha ya mađana a malo o fhiraho? Ri a zwi ñivha uri U na diabolo zwino. U khou penga.” Hezwo ndi zwe . . . Izwo ndi zwine *diabolo* zwa amba, “mpengo.” A ri, “U na diabolo, nahone U ya penga.”

²⁶⁵ A ri, “Phanda ha musi Abrahamu a tshī vha hone, NDI NNE.”

²⁶⁶ Ndi zwe A vha a zwone. O vha a si muthu zwawe, nahone O vha a si muporofita. O vha a Mudzimu, Mudzimu o dzula kha lifhasi kha muvhili wa ñama u vhidzwaho u pfi “Yesu,” ene—ene Murwa wa Mudzimu o dzulwaho. O vha a zwenezwo.

²⁶⁷ Zwino, ri Mu wana hafha, kha tshipida tsha u fhedza zwino, tsha u vala ndima ya vhu², ine nda khou ūoda u swika khayo, ndi tshī thoma kha ndimana ya vhu¹⁶, kana ndimana ya vhu¹⁵.

*Huno a vha phulusa . . . kha nyofho dza lufu—dza lufu
he vhutshilo havho hothe ho vha hu ha u vha phuli.*

Ndi zwone zwe a amba zwe Yesu a ita, uri O da u vha phulusa u bva kha vhupuli, vhe vha vha kha nyofho dza lufu lwa vhutshilo havho hothe.

²⁶⁸ Zwino a hu na ḥodeya ya u ofha lufu. Zwino, zwo tou ralo, ri a ralo; riñe, a hu na na muthihi washu o no khou ḥoda u ralo, zwine ra zwi vhidza, u fa. Fhedzi ni a zwi divha uri arali muthu o bebwa hafhu ha koni u fa? [Tshivhidzo tshi ri, “Amen.”—Mudz.] A nga vha hani na Vhutshilo Vhu Sa Fheli huno a fa? A nga si ralo. Tshithu tshi tshothe tshine tsha vha lufu, ipfi *lufu*, zwi amba “phandekano.” Zwino u do fhandekanya wa vhuhoneni ha maṭo ashu. Fhedzi u dzula a Vhuhoneni ha Mudzimu, nahone u do dzula o ralo. Ngauralo, lufu a si tshithu tshi kondaho. Lufu ndi tshithu tshihulu. Lufu ndi lwone lune lwa ri isa Vhuhoneni ha Mudzimu.

²⁶⁹ Fhedzi zwino, zwo tou ralo, riñe, sa vhatu, ri tshimbila kha elemente ntswu hafha, a—a ri zwi pfectesi nga ndila ine ra tea u ralo. Huno, zwo tou ralo, musi mbiti dza vhuhali dza lufu dzi tshi bvelela, zwi ita uri mukhethwa-khethwa washu a tshenuwe nahone a humele murahu. Zwo ita uri Murwa wa Mudzimu a ri, “Naa itshi tshiñwelo tshi nga fhira?” Ndi zwithu zwi ofhisaho. Ni so ngo zwi dzhia nga iñwe ndila. Ngauri ri . . . Ndi mulifho wa tshivhi, lufu lwo ralo, nahone lu tea u ofhisaho.

Fhedzi arali ra lavhelesa seli ha xarađeni, ngei seli, ndi heneffo hune zwa vha hone. Kha hu rendwe Murena! Seli ha xarađeni, ndi heneffo hune muthu a takalela u lavhelesa madekwana a ñamusi. Anna Mae Snelling mułku na avho vho vha vha tshi imba luimbo hafha, “Murena, Ntendele Ndi Lavhelese Seli Ha Xarađeni La Tshifhinga.” Muñwe na muñwe u khou ḥoda u vhona izwo.

²⁷⁰ Zwino, zwino ri fhano, kha ndimana ya vhu¹⁶. “Ngauri A ralo u dzhia . . .”

Ngauri ho ngo mu hwesa, ho ngo mu hwesa mvelo ya vharuñwa; fhedzi o mu hwesa mbeu ya Abrahamu.

²⁷¹ Oo, ri khou ḥoda u farelela kha hezwo zwino. Zwino ri khou tsela fhasi uri ri wane . . . Ngauri, tshipida tsha u thoma tsha heyi ndima ya vhu³, tshipida tshayo tsha u fhedza, tshi fhelela kha “ilo ḫuvha la savhatha,” nga ino Swondaha i ḫaho.

²⁷² Zwino lavhelesani.

. . . ho ngo dzhia . . . mvelo ya vharuñwa; . . .

Zwino, iyi “Ho,” ndi nnyi ane a khou amba ngae? Kristo. Kristo ndi nnyi? Mudzimu, Logos ya Mudzimu.

²⁷³ Zwino ntendeleni ndi dovhe u ḫalutshedza hezwi, uri ni vhe na vhutanzi. Mudzimu a si Midzimu miraru. Vhuraru ha Mudzimu ndi Tshithihi. Khotsi, Murwa, Muya Mukhethwa, a zwi ambi uri hu na Midzimu miraru yo fhambanaho. Arali zwo ralo, ndi musi ri vha sa tendiho. Ndi ngazwo Vhayuda vha sa koni u pfectesa. A zwo ngo vhuya zwa funziwa kha Bivhili. Zwino, zwo funziwa kha tshivhidzo tsha Katolika, ngangoho, ndi hone hune ndovhedzo yo no itwa luraru ya bva hone.

²⁷⁴ Ngei Afurika vha lovhedza luraru tshifhatuwo tsho sedza phanda: Luthihi u itela Mudzimu Khotsi; luthihi u itela Mudzimu Murwa; luthihi u itela Mudzimu Muya Mukhethwa. Zwino, uvho ndi vhukhakhi. A hu na pfunzo yo raloho kha Bivhili. Ni a vhona?

²⁷⁵ Huno zwino, izwo—izwo ndi zwine vha funza. Zwo fhira kha Luther; u bva kha Luther, zwa da kha Wesley; na u tsa fhasi kha zwikhathi musi zwi tshi ya phanda. Fhedzi a two ngo vhuya zwa vha pfunzo ya Bivhili. Zwo dzulela u vha vhukhakhi, u bva tshe zwa thoma.

²⁷⁶ Zwino, ngauralo, Mudzimu o vha a hone u rangani. Hu sa athu u vha na tshedza, hu sa athu u vha na athomo, hu sa athu u vha na naledzi, hu sa athu u vha na tshithu tshi vhonalaho, Mudzimu o vha o dadza tshikhala. Huno ngomu Henehfo ho vha hu si na tshithu fhedzi vhukhethwa: lufuno lukhethwa, vhukhethwa, u luga hukhethwa. Ho vha hu Muya. O vha o tiba tshikhala tshothe tsha Lini na lini, hune ra kundelwa u Zwi pfesesa. Zwi fhira zweithe zwine ra kone u elekanya.

²⁷⁷ U fana na ngilasi, ri a kona u vhona yone—yone miñwaha ya madana na milioni ya tshikhala tsha tshedza. Elekanyani ngazwo. Miñwaha ya madana a milioni ya tshikhala tsha tshedza. Huno tshedza—tshedza tshi tshimbila u yela kha maela dza zwigidi zwa malo nga muthethe. Huno miñwaha ya madana na milioni ya tshikhala tsha tshedza... Itanu elekanya uri izwo zwi do vha maela dza milioni nngana. Ni nga si kone na u zwi vhala. Ni nga tou dzhia muduba wa tahe na u monisa na Jeffersonville, huno-ha na dikundelwa u zwi kwashokanyela kha dzimaela dza dzimaela. Elekanyani ngazwo. Huno murahu ha izwo hu tshe na naledzi na dzipulanate. Huno Mudzimu, musi hu sa athu u vha na nthihi yadzo, O vha a hone. Ni a vhona?

²⁷⁸ Huno-ha Logos ye ya bva kha Mudzimu, ye ya vha i—i Logos, hezwi zweithe zwa thoma u vhumba tshone—tshone tshivhumbeo tsha muvhili. Huno hetshi tshivhumbeo tsha muvhili tsha vhidzwa nga u ralo, nga pfunzo ya matshudeni, Logos, Logos yo bvaho kha Mudzimu. Nga mañwe maipfi, lone—lone ipfi la khwiñe la izwo, ho vha zwine ra zwi vhidza muvhili wa tshimuya. (Muvhili wa tshimuya ndi muvhili wa muthu wo galafhadziwaho.) A u na nama na malofha sa zwine wa do ralo kha tshikhala tshawo tsha u galafhadziwa, fhedzi ndi wa tshivhumbeo tsha muvhili wa muthu u sa li, nahone a u ñwi, fhedzi ndi—ndi muvhili, muvhili wo ri lindelaho musi ri tshi pfuluwa kha uno. Zwino, ngomu afho, ri dzhena kha muvhili. Huno ulwo ndi lushaka lwa muvhili lwe Mudzimu o vha a khalwo, ngauri O ri, “Kha ri ite muthu tshifanyiso tshashu nahone a fanaho na riñe.”

²⁷⁹ Zwino, musi muthu a tshi dzhena kha hoyo muvhili, u vha na ndango kha khovhe dzothe, na zwi fhufhaho, na—na zwivhanda

zwa ḫaka. “Huno-ha ho vha hu si na muthu wa u lima mavu,” Genesi 2. O vha o no ita tshiduna na tshisadzi, fhedzi a hu na muthu wa u lima mavu.

Zwenezwo-ha Mudzimu a vhumba muthu u bva kha buse ḥa lifhasi. A mu ḫeya tshanda tshi ngaho—tshi ngaho tsha pfene. A mu ḫeya mulenzhe u ngaho wa tshivhingwi. A mu ḫeya, A mu vhumba, a tshi tevhedza tshifanyiso. Huno uno muvhili wa lifhasi ndi tshifanyiso tsha vhutshilo ha phukha, nahone wo itwa nga zwithu zwi fanaho. Muvhili wañu wo itwa nga zwithu zwi fanaho na zwe zwa ita bere, kana mmbwa, kana tshiñwe tshithu tshi ngaho izwo. Wo itwa nga khalishiamu, potashi, petiroliamu, tshedza tsha kosimiki. No tou ralo... Nama yothe yo raloho a si ḫama i fanaho; ndi ḫama yo fhambanaho, fhedzi yo itwa zwi tshi bva kha buse ḥa lifhasi hune ya bva hone.

Fhedzi, phambano vhukati ha phukha na muthu, Mudzimu o vheya maya ngomu ha muthu, huno Ho ngo u vheya kha phukha. Ngauri, maya we wa vha u kha muthu ndi uyo muvhili wa tshimuya.

Oo, ndi—ndi, a thi nga dzheni kha izwo... ino ngudo, fhedzi ndi khou tea u swikelela hezwi.

²⁸⁰ Lavhelesani. A ni zwi elelwi musi Petro a khothoni, huno Muruñwa wa Murena a da a vula miñango?

²⁸¹ Ro vha ri khou fhira nga vhengeleni n̄tha hafha, liñwe duvha, huno muñango wa vulea phanda hashu. Nda ri, “Ni ya ñivha, izwo zwe thoma kha Bivhili.” Ni a vhona? Zwino, u vuleya, muñango, nga wone uñe.

²⁸² Huno musi Petro a tshi bva, a tshi fhira havha vhalindi, vho vha vho pofula kha uri vha mu vhone. A fhira mulindi wa nga ngomu, na mulindi wa nga nn̄da, a bvela nn̄da khoroni, a fhira luvhondo, a bvela nn̄da tshiñarañani. Huno hu si vhe na muthihi wavho a no ñivha uri ndi ene nnyi. Nahone a vho ngo vhuya vha dzhiela n̄tha... Vho elekanya uri o vha a munwe mulindi kana tshiñwe tshithu. Vho... O sokou fhira, huno muñango wa vuleya nga wone uñe, musi a tshi khou bvela nn̄da, huno wa sala u tshi valeya. Huno musi a tshi bvela nn̄da hafho, o elekanya uri u khou lora. Huno a tsela fhasi nduni ya Yohane Marko, he vha vha vha na muñangano wa thabelo. Huno a khokhonya... [Mukomana Branham u khokhonya kha phuluphithi. A hu na tshithu kha theiphi—Mudz.]... u vha vhukati hanu.

²⁸³ Oo, Ndi wa vhugala. Ndi wa vhudi.

Zwino, oo, ho ngo itwa a vha *kha tshivhumbeo tsha muruñwa; fhedzi o dzhia... mbeu ya Abrahamu.* Mudzimu o *vha mbeu ya Abrahamu.*

²⁸⁴ Zwino, arali ri na tshifhinga, tsha u humela murahu nahone nda ni sumbedza uri O zwi ita hani kha Mulanga! No no pfa ndi tshi rere ngazwo, zwifhinga zwinzhi, uri o dzhia hani idzo

phukha huno a dzi tumula dza vuelta zwipiđa zwivhili, huno a posa liivha na fhondo la liivha ngomu. Zwenezwo a lavhelesa, huno a vhona vhutsi vhuțuku, swiswi li ofhisaho, lufu. Tshi no tevhela, ńando i dubaho vhutsi, hele. Fhedzi, seli ha izwo, ha fhira Tshedza tshi tshena tshițuku. Huno itsho tshi tshena tshițuku tsho fhira vhukati ha tshipiđa tshińwe na tshińwe tsha itsho tshițhavhelo tsho tumulwaho, zwi tshi sumbedza zwine A do ita. Huno O ana, musi A tshi ita izwo, huno O ńwala Mulanga, a tshi sumbedza zwine A do ita.

²⁸⁵ Huno Ene, Yesu Kristo, o da kha lifhasi; Mudzimu, *Immanuele*, “Mudzimu ngomu ńamani.” Huno kha Khalivari, O kherukanywa nga vhukati. Huno Muya Wawe wa vhuya murahu kha Tshivhidzo. Huno muvhili Wawe wa takulelwa n̄ha nahone wa dzudzwa kha Khuluńoni ya Mudzimu.

Khulunoni ya Mudzimu! Uyo a re kha Khulunoni ndi Muhaṭuli. Izwo ri a zwi divha. Zwo luga, Khaṭhulo i gai? Khotsi vho ńeya... Ha haṭuli muthu. Fhedzi Khotsi vho kumedza khaṭhulo dzothe kha Murwa. O ralo. Huno Vhutshilo Hawe ndi Tshifhe Muhūlu, o dzula henefho nga muvhili Wawe ene muñe, sa tshiṭhavhelo, u lilela u dibula hashu. Amen. Mukomana, izwo zwi vheya tshithu ngomu hanu.

²⁸⁶ Dzhielani nzhele, “O vha Mbeu ya Abrahamu.” O vha Muthu. Mudzimu, o itwa ńama vhukati hashu, uri a ri rengulule. Nga mańwe maipfi, Mudzimu o vha tshivhi, uri rine vhaftazwivhi ri dibadekanye Nae. Huno musi ri tshi ćibađekanya Nae, ri dibadekanya na Zwawe... Ro vha ri vhathu vha tshifhinga tsha tshikhalanı, lwa fusumbe. Huno Mudzimu a tsela fhasi nahone a vha muńwe washu, lwa fusumbe, nga tshifhinga Tshawe tshe a tshi vheya, uri ri ćibađekanye na Vhutshilo Hawe Vhu Sa Pheli. Huno musi ro bebwā hafhu, ri vharwa na vhananyana vha Mudzimu, nahone ri na Vhutshilo Vhu Sa Pheli, nahone a ri tsha do fa.

Oo, wa hani—wa hani—Mutshidzi wa vhudi hani! Oo, a hu na ndila ya u zwi ńwala. A hu na ndila ya u zwi ḥalutshedza. Zwi fhira ḥalutshedzo. A hu na ane a kona u ḥalutshedza uri Zwo hula hani. “Iwe wo hula hani! Iwe ho hula hani!” ndi zwone.

*Huno zwi amba uri o vha o fanelwa u fana na vharathu
Vhawe tshothe, . . . (Elekanyani ngazwo). . . uri a kone u
vha tshifhe muhulu wa khathutshelo na u fulufhedzeya
kha zwithu zwa Mudzimu, . . . (Thetshelesani izwi). . . u
pfumelela . . . tshivhi tsha vhathu.*

U pfumelela, zwino, Mudzimu, nga u divha u luga, o tea u vha wa u sa luga, uri a pfe uri zwi hani u vha muitazwivhi, u humela murahu kha u pfumelela, nga “u pfumelela,” na u khathutshela vhathu.

²⁸⁷ Ndimana i no tevhela, I thetsheleseni hafha.

Huno kha izwo ene muñe o tambula . . .

²⁸⁸ Mudzimu o vha a nga si tambule Muyani. O tea u vha nama, uri a kone u pfa vhuṭungu ha vhulwadze, uri a kone u pfa u lingwa nga nyemulo, uri a kone u thetshela u lingwa nga u vha na ḥodeya, uri a kone u thetshela mulingo wa ndala, uri a kone u pfa maanda a lufu. Uri A kone u zwi hwala Ene mune u ima Vhuhoneni ha uyo Muya muhulu Yehova, Muya, hu si Muthu; Muya, uri a rabelele vhuno vhutshilo. Huno Yesu a dzhia izwo, uri a kone u ri rabelela, ngauri U ya ḫivha uri zwi hani. Musi ni tshi lwala, U ya ḫivha uri ni ḫipfa hani. Musi ni tshi lingiwa, U ya zwi ḫivha uri ni ḫipfa hani.

²⁸⁹ Zwino, no vhuya na zwi limuwa musi ni tshi khethe phuresidente, mulimi muňwe na muňwe u do khetha phuresidente ane o vha mulimi, ngauri u ya ḫivha tshipida tshi kondaho tsha vhutshilo ha vhulimi. Ni a vhona? U khou ṭoda vhaňwe vhathe vha pfesesaḥo.

²⁹⁰ Huno phanda ha musi Mudzimu a tshi pfesesa; Ene a uvho Vhukhethwa vhuhulu. A nga vhuya A pfesesa hani, murahu ha musi O haṭula muthu? Nga vhukhethwa Hawe, O haṭula muthu. Huno ndila i yothe ine A do ḫivha uri muthu u itwa o lugaho hani ndi nga u vha muthu.

²⁹¹ Huno Mudzimu a dadza musidzana tshipofu huno a bveledza muvhili, hu si malofha a Muyuda, hu si malofha a Wannda, fhedzi Malofha Awe Ene mune. Malofha o sikwaho nga Mudzimu, hu si na vhudzekani na īlathihi, na luthihi, hu si na lutamo Iwa vhudzekani. Huno hedzi Tsinga dza Malofha, dzo sikwaho kha mbumbelo ya hoyu musadzi, dzo bveledza Murwa. Huno musi A tshi lovhedzwa nga Yohane Mulovhedzi, Yohane o ri, “Ndo ḫanziela, ndi tshi vhona Muya wa Mudzimu (u ngaho liivha) u tshi tsela fhasi nahone wa dzula Khae.”

²⁹² Ngazwo Yesu a tshi ri, u ri, “Maanda othe a ṭadulu na a lifhasi o netshedzwa tshandani Tshanga.” Mudzimu na muthu vha vha Tshithihi. Liṭadulu na lifhasi zwa kuvhatedzana, huno O vha a Ene ane a nga pfumelela tshivhi tshashu. Iyo ndi yone mbuno, nga Dzina Lawe, phodzo i tshi itea. U ya ḫivha vhuṭungu haṇu.

²⁹³ No no vhuya na pfa ulwu luṭuku, luimbo lwa kale?

Yesu u ya ḫivha vhuṭungu hune na pfa, U ya
kona u tshidza nahone U ya kona u fhodza;
Isani mat̄hupho anu kha Murena nahone ni a
siye heneffo.

Izwo ndi zwone. U ya ḫivha.

Musi muvhili washu wo huvhadzwa nga
vhuṭungu, nahone ri tshi kundelwa u wana
mutakalo washu hafhu,
Itanu elelwa Mudzimu a re ṭadulu u ya
fhindula thabelo;

Yesu u ya ɖivha vhuṭungu hune na pfa, U ya
kona u tshidza nahone U ya kona u fhodza;
Itanu isa maṭhupho aṇu kha Murena nahone ni
a siye henefho.

²⁹⁴ Ndi zwenezwo fhedzi zwine a humbela, “Itanu a sia henefho.” Ngani? Ndi ene Tshifhe Muhulu washu o imaho henefha, ane a ɖivha uri ni dipfa hani. Huno U ya ɖivha uri u ni pfumelela hani murahu kha tshilidzi, na uri u ni vhuisa hani murahu kha mutakalo waṇu. U ya zwi ɖivha zweṭhe; O tambula. Musi ni si na fhethu ha u vheya ḥohoh yaṇu; Nae zwo ralo-vho. Musi ni tshi tshintsha zwiambaro zwithihi; zwo ralo na Khae. Musi vha tshi tambo nga inwi, ni tshi tovholwa; zwo ralo na Khae.

²⁹⁵ Thetshelesani kha ndimana ya u fhedza zwino. Zwo luga.

... u ya kona u tikedza havho vhanne vha lingwa.

Kana, nga maṇwe maipfi, U ya kona u *tsireledza* vhenevho, u *thusa* vhenevho, u ita vhenevho... u pfa *vhuṭungu* navho. Ngauri, Mudzimu Ene muṇe o vha muthu, uri a kone u zwi thetshela.

²⁹⁶ Ni a elelwa, vhuṇwe vhusiku, a ro ngo funza nga izwo? Uri Mudzimu o ralo hani... Lufu lu na luvholela, mbonzhe khalwo. “Mađuvha avho oṭhe vho vha kha vhupuli nga holwu *lufu*.” Huno-ha Yesu a bvelela, uri A bvise luvholela kha lufu.

Huno musi A tshi khou gonya thavha, ni a elelwa uri ro zwi sumbedzisa hani? Ayo madondo matswuku maṭuku kha dzhasi Ławé, ho no fhela tshifhinganyana a vha dondo lithihi lìhulu, na Malofha a tshi ela u mona Nae. Wawe muṭuku, muvhili wo tshinyadzwaho, A kundelwa u ya phanḍa, huno A wa. Simoni Kirene, munna wa mukhaładi, a Mu thusa nga u hwala tshifhambano a tshi gonya na tshikwara.

Huno musi vha tshi Mu ombela kha tshifhambano, huno A huwelela mađi. Muthu muṇwe na muṇwe a phophaho malofha u ṭoda mađi.

²⁹⁷ Ni a elelwa musi ndi tshi rera vhuṇwe vhusiku nga “Tshivhingwi, tshivhingwi tshi na dora la kudambwana kwa mađi, ngauralo muya wanga u ṭoda Iwe, O Mudzimu”? Arali tshivhingwi tsho huvhala nahone tshi tshi khou tshila, tshi tshi khou fhelelwa nga malofha, tshi tea u ya hu na mađi kana tsha fa.

²⁹⁸ Ndo vha ndo thuntshiwa, fhasi tsimuni, musi ndi tshe na miṇwaha ya fumiina. Huno ndo vha ndo eđela henefho. Milenzhe yanga yo kheruwa, u tou fana na bega, u bva kha tshigidi tsha geidzhi dza 12. Huno nda lilela mađi, “Oo, mpheni zwa u ነwa!” Nda oma; meme dzanga dzo vha dzo oma.

²⁹⁹ Khonani yanga ya gidimela kha dzivha la kale, o vha a na zwivhuluvhuļu zwiṭuku nahone zwinzhi zwo fhambanaho zwa

kale, matzhava. A tho ngo vha na ndavha uri ho vha hu mini. Huno a i dadza nga mađi, huno nda vula mulomo wanga, huno a džhenisa gebisi yawe nga u *ralo*, mulomoni wanga. Ee, ndo vha ndi khou tea u wana mađi.

³⁰⁰ O vha a tshi khou shuluwa malofha. A ri, “Mpheni zwa u ḥwa.” Huno vha Mu ḥeya veini nga tshipontshi, huno A i hana, nahone a i landula. O vha a Ngwana ya Mudzimu a tshi khou fa vhuimoni hashu, uri a pfumelele muthu. Ho vha hu mini? Mudzimu wa Ṭadulu.

³⁰¹ Billy Sunday o no vhuya a ri, a ri, “Tshiṭaka tshiñwe na tshiñwe tsho vha tsho dzulwa nga Vharuñwa, vha tshi ri, ‘Itau bvisa tshanda Tshau huno u sumbe nga muñwe Wau, Ri do shandukisa nyimele.’”

³⁰² Itsho tshigwada tsho dzingindelaho tsha vhurereli ha vhusweleli, tsho vhidza mañwe matshudeni mahulu o funzeaho a D.D., Ph.D., vha ya tsini Hawe nahone vha ri, “Zwino, arali u Murwa wa Mudzimu! U tshidza vhañwe; a u koni u ditshidza. Itsa kha itsho tshifhambano, huno ri do u tenda.”

³⁰³ A vho ngo zwi divha uri vho vha vha tshi khou Mu khoda. O vha a tshi nga Ditshidza. Fhedzi arali A Ditshidza, A nga si kone u tshidza vhañwe. Ngauralo, O Dinetschedza. Kha hu rendwe Dzina Lawe. O Dinetschedza, uri ndi kone u tshidzwa na uri ni kone u tshidzwa. Oo, lufuno lwa vhudi hani!

³⁰⁴ O vha a sa tei u lwala. Ula muvhili wa vhudi wo bebwaho nga musidzana tshipofu wo vha u sa tei u lwala. Fhedzi O lwala, uri A divhe uri u do nthabelela hani musi ndi tshi lwala.

³⁰⁵ O vha a sa tei u neta, fhedzi O neta. Tshiñwe tshifhinga ndo vhala divhazwakale yazwo, a thi divhi arali zwo vha zwi zwone kana hai. “Musi A tshi vusa ula mutukana wa ngei Nain afho, u bva vhafuni, O dzula kha tombo nahone a lila nga u reñwa ha thoho,” ngauri O tea u hwala malwadze ashu.

³⁰⁶ O tea u hwala tshivhi tshashu, huno heneffho A fa, huno kha Khalivari musi ila ḥotshi ya kale na lufu lu tshi sia luvholela lwalwo. Muniwe na muiwe u ya zwi divha, musi ḥotshi i tshi sia luvholela, a i tsha kona u luma. Musi ḥotshi i tshi fhufha ya ṭuwa kana i tshi džhenisa ulwo luvholela, musi i tshi sia luvholela lwayo, i bvisa luvholela. I vha i kha di vha ḥotshi fhedzi a i tshe na luvholela. Tshithu tshi tshothe tshine i nga ita ndi u noña na u ita phosho khulu.

³⁰⁷ Ndi tshone tshithu tshi tshothe tshine lufu lwa nga ita kha mutendi, ndi u ita phosho khulu. Fhedzi, haləluya, kha hu rendwe Dzina la Murena, O džhenisa ulwo luvholela lwa lufu kha ḥama Yawé ene muñe. Immanuele o ralo. A vuwa hafhu, nga ḥuvha la vhuraruu, a bvisa luvholela heneffho, nahone Ha Tsha Fa madekwana a ḥamusi, Huno Muya Wawe u ngomu kha tshino tshifhato, nahone O Disumbedza sa a tshilaho vhukati hashu. Uyo ndi Mesia washu. Uyo ndi Mutshidzi washu wa vhudi.



VHAHEVHERU, NDIMA YA VHUVHILI ³ TSV57-0828
(Hebrews, Chapter Two ³)
BUGU YA MILAEDZA YA VHAHEVHERU

Hoyu Mulaedza nga Mukomana William Marrion Branham, u rangani wo
ñewa nga Tshiisimane nga madekwana a Ləvhuraru, Thangule 28, 1957,
Thaberenakeñeni ya Branham kha la Jeffersonville, Indiana, U.S.A., wo dzhiwa
kha rekhodo ya theiphi ya maginete huno wa gandiswa u songo pfufhifhadzwa
nga Tshiisimane. Heyi þhalutshedzo ya Tshivenda yo gandiswa huno ya
phadpaladzwa nga vha Voice Of God Recordings.

TSHIVENDA

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org